

մեկնեցաւ անտի պահել զայլ քաղաքս տէրութեան իւրոյ :
 Իշխանք Լատինաց նախանձեալ ընդ յալթութիւնս թա-
 գաւորին Անդղիոյ , երկպառակեցան 'ի միջի իւրեանց , և
 բազումք մեկնեցան 'ի հայրենիս իւրեանց :

Այրս այս էր արդարեւ առիժասիրտ , բայց ունէր
 զընտթիւն ընձու , ասեն այլազգի պատմիչք . զի 'ի հրո-
 վարտակին՝ զոր եհան , յայտ առնէր զանկախ իշխանու-
 թիւն իւր եւ զանիրաւ սպանումն 2500 իսլամ գերեաց .
 զի ըստ պայմանին՝ մինչ 'ի դարձ գերեացն քրիստոնէից
 'ի Դամասկոսէ՝ ունէին մնալ նոքա իրրեւ դրաւ 'ի ձեռս
 նորա . զի յաւուր յորում կոչեաց զնոսա 'ի բանակն ար-
 ձակել յիւրաքանչիւր տեղիս իւրեանց , ետ կոտորել զնո-
 սա . պատճառելով իբր թէ անցեալ իցէ պայմանեալ ժա-
 մանակն : Իշխանք այլազգեաց ստիպէին զՍուլթանն սպա-
 նանել նաեւ զգերիս քրիստոնէից , բայց նա արգել զնոսա
 'ի խորհրդոցն . իսկ այլք ասեն թէ ետ կոտորել զնոսա
 'ի Կեսարիա : Ապա կործանեաց զքաղաքն Ասկաղոն հան-
 դերձ պարսպովք , եւ զբնակիչս նորա ցրուեաց 'ի գեօղս
 և 'ի քաղաքս :

Ի մարտին Նապլուսի մազապուր գերծաւ 'ի բերդ ինչ ,
 հրաման առնէր անտի դատարկել զքաղաքն Յոպպէ , եւ
 աւերել զբերդորայս չուրջ զնովաւ : Թիգարտոս պարապէր
 տիրել Յոպպէի և նորոգել զաւերեալ տեղիս . և յերկարիւ
 հակառակութեանց և խռովութեանց , խնդրեաց հաշտու-
 թիւն պայմանաւ . տալ ինքեան զերուսաղէմ եւ զԽաչա-
 փայտն Քրիստոսի . Սուլթանն ոչ առ յանձն . առաջի ա-
 րար նա զայլ իմն եղանակ հաշտութեան , զի ինքն տացէ
 զքոյր իւր 'ի կնութիւն Մէլիք Ատիլայ , եւ նստել նորա
 իրրեւ իշխան Երուսաղէմի , զՊտղոմայիս և զայլ ամենայն
 քաղաքս , զորս առին Լատինք 'ի սմին պատերազմի , տալ
 իրրեւ օփաւ քուեր թագաւորին . Լատին իշխանաց մի եւս
 ամրանալ 'ի բերդս , այլ բնակիլ 'ի գեօղս . բազմութեան
 Լատին կրօնաւորաց չբնակիլ Երուսաղէմ . զայստսիկ պայ-
 մանս թէպէտ եւ ընկալաւ Սուլթանն , սակայն քոյր թա-
 գաւորին ոչ առ յանձն ամուսնանալ ընդ առն այլազգւոյ ,
 մանաւանդ կղերք ընդդէմ կացին , եւ հուսկ ուրեմն գի-
 ջան , եթէ թոյլ տացէ իշխանն պահել կնոջ զամբիժ հա-